

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona”, broj: 7/10 i 3/23) i člana 13. stav 1. tačka 5) i člana 13. stav 3. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13) na usaglašen prijedlog ministrice Ministarstva zdravstva i ministrice Ministarstva finansija, Vlada Zeničko-dobojskog kantona, na 130. sjednici, održanoj 22.05.2026. godine, d o n o s i

## **O D L U K U**

### **o mjerilima za osiguranje elemenata standarda za investicijsko ulaganje i investicijsko održavanje u zdravstvenim ustanovama sa područja Zeničko-dobojskog kantona**

#### **Član 1. (Predmet)**

(1) Ovom odlukom utvrđuju se mjerila, način finansiranja, raspored i odobravanje novčanih sredstava iz Budžeta Zeničko-dobojskog kantona za 2026. godinu u ukupnom iznosu 5.201.253,20 KM (slovima: petmilionadvijestotinejednahiljadadvijestotinepedesetri i 20/100 konvertibilnih maraka) zdravstvenim ustanovama Zeničko-dobojskog kantona za finansiranje investicionih ulaganja i investicijskog održavanja.

(2) Sredstva iz stava (1) ovog člana osigurana su u Budžetu Zeničko-dobojskog kantona za 2026. godinu („Službene novine Zeničko-dobojskog kantona", broj: 24/25 i 5/26) na razdjelu 21, budžetska organizacija 01, potrošačka jedinica 0001 – Ministarstvo zdravstva, planirani rashodi na poziciji 615100 – Kapitalni transferi drugim nivoima vlasti-za zdravstvo.

#### **Član 2. (Mjerila za finansiranje)**

Mjerila za finansiranje investicionih ulaganja i investicijskog održavanja sadržana su u:

- a) Strategiji razvoja Zeničko-dobojskog kantona za period 2021. – 2027. godine,
- b) Akcionom planu Vlade Zeničko-dobojskog kantona za period 2021. – 2027. godine,
- c) Zahtjevu JU Kantonalna bolnica Zenica za uvrštavanje u Programa utroška sredstava Ministarstva zdravstva na poziciji „Kapitalni transferi drugim nivoima vlasti - za zdravstvo“- Izvor 10 Budžeta Zeničko-dobojskog kantona za 2026. godinu, broj: 01-11-3760/26 od 07.05.2026. godine i broj: 01-11-3760-1/26 od 13.05.2026. godine,
- d) Sporazumu o zajedničkom finansiranju Projekta izgradnje objekta hitne medicinske pomoći u Brezi, broj:11-11-8638-1/25 od 20.06.2025. godine i
- e) Iskazanim zahtjevima domova zdravlja sa područja Zeničko-dobojskog kantona.

#### **Član 3. (Namjena sredstava)**

Na osnovu mjerila iz člana 2. ove odluke, sredstva iz člana 1. stav (1) ove odluke raspoređuju se na sljedeći način:

<b>Rbr.</b>	<b>Zdravstvena ustanova</b>	<b>Planirana sredstva</b>
1.	JU Kantonalna bolnica Zenica	4.225.253,20 KM
2.	JU „Dom zdravlja“ Breza	300.000,00 KM
3.	Domovi zdravlja	676.000,00 KM
	<b>UKUPNO</b>	<b>5.201.253,20 KM</b>

#### **Član 4.**

##### **(Program utroška sredstava i Odluka o odobravanju sredstava)**

(1) Na prijedlog Ministarstvo zdravstva Vlada Zeničko-dobojskog kantona će donijeti Odluku o usvajanju Programa utroška sredstava Ministarstva zdravstva na poziciji „Kapitalni transferi drugim nivoima vlasti - za zdravstvo“- Izvor 10 Budžeta Zeničko-dobojskog kantona za 2026. godinu (u daljem tekstu: Program).

(2) Na osnovu Programa iz stava (1) ovog člana na prijedlog Ministarstva zdravstva, Vlada Zeničko-dobojskog kantona će donijeti odluke o odobravanju sredstava JU Kantonalna bolnica Zenica, kojima će se precizirati namjena sredstava, dinamika transferisanja sredstava, način pravdanja namjenskog utroška sredstava i izvještavanje o učincima uloženi sredstava.

(3) Na osnovu Programa iz stava (1) ovog člana nakon provedenog javnog poziva od strane Ministarstva zdravstva, na prijedlog Ministarstva zdravstva, Vlada Zeničko-dobojskog kantona će donijeti odluke o odobravanju sredstava domovima zdravlja, u skladu sa kojim će Ministarstvo zdravstva zaključiti ugovore o prenosu sredstava kojim će biti definisana prava i obaveze ugovornih strana.

#### **Član 5.**

##### **(Doznačavanje sredstava)**

Finansijska sredstva će se doznačavati zdravstvenim ustanovama u skladu sa realizacijom ostvarenih javnih prihoda u Budžetu Kantona u prethodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

#### **Član 6.**

##### **(Obaveza zdravstvenih ustanova)**

Zdravstvene ustanove obavezne su sa doznačenim sredstvima postupati u skladu s propisima iz oblasti budžetskog računovodstva, javnih nabavki i općim aktima, te doznačena sredstva namjenski koristiti u skladu sa Programom iz člana 4. ove odluke.

#### **Član 7.**

##### **(Izvještavanje)**

(1) Zdravstvene ustanove su obavezne Ministarstvu zdravstva dostaviti obrazložen finansijski izvještaj o namjenskom utrošku sredstava sa pratećom računovodstveno-finansijskom dokumentacijom na način i u rokovima utvrđenim u odlukama Vlade Zeničko-dobojskog kantona i ugovorima o prenosu sredstava iz člana iz člana 4. ove odluke.

(2) Ministarstvo zdravstva je obavezno Vladi Zeničko-dobojskog kantona dostaviti izvještaj o utrošku sredstava u skladu sa Zakonom o izvršavanju Budžeta Zeničko-dobojskog kantona za 2026. godinu.

**Član 8.**  
**(Stupanje na snagu)**

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-10469/26  
Datum, 22.05.2026. godine  
Zenica

**PREMIJER**  
**po ovlaštenju**

*Dženana Čišija*

DOSTAVLJENO:

1x Ministarstvo zdravstva,  
1x Ministarstvo finansija,  
1x Zavod zdravstvenog osiguranja Zeničko-dobojskog kantona,  
putem Ministarstva,  
1x “Službene novine Zeničko-dobojskog kantona”,  
1x a/a.